

A stylized illustration of a young girl with brown hair and large eyes, smiling. She is wearing a pink long-sleeved shirt and blue overalls with yellow straps. She is climbing a thick white rope that runs diagonally across the frame. The background is a solid green color.

Pärnn- strategia

Lapsistrategia • Barnstrategin
Child Strategy

ĶEĀN-NE TÄT STRATEGIA LIJ?

Pukid jee'res âkksaid
päärnaid.

Tu'nne, kåå'tt
taarbšak vie'kk.

Tu'nne, kåå'tt leäk leklvaž.

Tu'nne, kåå'tt leäk pue'rr
na'zvan jeärrsid.

Tu'nne, kåå'tt
taarbšak na'zvaan.

Tu'nne, kåå'tt le'jjik
kuä'ss-ne päärnaž.

Da tu'nne, ko'st kuä'ss-ne
šâdd vuõrâsooumaž.

LÄÄ'DDJÄNNAM MEERSAŽ

Pä'rnn-strategia

LAPSI-strategia

Meerlaž pä'rnnstrategia valmsõöllmõš aa'lji vä'lldminister Juha Sipilä halltöspââ'jest Päärna ä'iigj 2040 -tuâjain. Tuâjj lij juätknam vä'lldminister Sanna Marin halltöspââ'jest parlamentaarlaž komiteatuâjast da tõn tuärjjei ve'rÿgtuâj vie'kkin.

Meerlaž pä'rnnstrategia parlamentaarlaž komitea lij priimmâm tän strategia vue'ssen smiõtldõöggâd rosttovmannust 2020 (Riiksuåvtõõzz kanslia õõlmtõsräidd 2021:8). Komitea norrõs, smiõtldõs, ee'ttikkâ'ddjouuki õõlmâsceälkkmõõžz da strategia tuärjjoossân åârrai pââdõõlmtõõzz puk käunn'je strategia ne'ttseeidain www.lapsistrategia.fi.

Siiskâž

7 STRATEGIA VUÄ'NKĀNJI

- 8 Kõskksaž jurddi
- 11 Strategia vuõiggâdaluõdlaž da
õhttsažkååddlaž vuâđđ

14 PUKI PÄÄRNAI LÄÄ'DDJĀNNAM

- 16 Vision päärnai vuõiggâdaluõđid
ci'sttjeei Lää'ddjânnam
- 20 Čårstummuž da jee'resäärv'vuõđ
vuâssttuâsttmõš
- 24 Ränn'jeei sââ'jest åårrai päärnai
vuõiggâdaluõđi staanummuš
- 29 Päärnai sue'jjlummuš viõkkvää'ldest

36 PUĀRASTVÂĀJJAI DA SILTTEEI PÄÄRNA

- 38 Päärnai da piârrji sosiaal- da tiõrvâsvuõttkääzzkõõzz
- 44 Ouddpeâmm da škooultõs
- 51 Piârri ri'jttjeei pi'rõgummuš da tuâj di piârri õ'httesuåvtummuš
- 56 Päärnai õõldâs- da verddsažkõskkvuõđ
- 61 Päärnai frijjäi'gõ da staarjõõzz

68 PÄÄRNA VUÄZZLI'ŽZEN ÕHTTSAŽKÅÅ'DDEST

- 70 Päärnaid till'lõõvvi vaikktõõzzi ärvvtõõllmõš da pä'rnnnbudgetâsttmõš
- 74 Päärnai vuõiggâdvuõtt koll'jed da vuäžžad teâđ

78 STRATEGIA TIU'DDEPIIJJMÕŠ

- 80 Strategia da tiu'ddepiijjmõšplaan



Strategia vuä'nkānji



Kõskksaž jurddi



Pä'rnnstrategiaiin raajât päärnai vuõiggâdvuõđid ci'sttjeei pä'rnn -da piârrmiõttlös Lää'ddjânnam. Lââ'ssen pä'rnnstrategiaiin staanât päärnaid kuõskki vuâđđ- da ooumažvuõiggâdvuõttõõlgtoõzzi täävtõõzzlaž da konsiste'ntt čõõdtummuš jeä'rben ŌM päärnai vuõiggâdvuõđi suåppmõõž meâldlânji. Meerlaž pä'rnnstrategia tarbb lij pâjjnam õu'dde määñg jee'res halltõõzz äi'ÿgen.

Strategia taarbšet ouddâl puki tõn diõtt, što

1.

päärna vuõiggâdvuõđi diõtt vääžnai tu'mmstõõgg da ju'rddi lie täujja veeitlös jie-ga pâi vuâđđâ'vee konsiste'nttlânji Lää'ddjânnam vuâđđ- da ooumažvuõiggâdvuõttõõlgtoõzzi ci'sttjummša, da tõn diõtt

2.

päärnai vuõiggâdvuõđi teâuddjummuš šâdd jäänmõsân tõn mie'lđd, mõök lie suu tuâggõs, piârri da jee'res va'stteei ää'šš.

Tän strategia kõskksaž täävtõssân lij raajjâd keâll'jeei, konsiste'ntt da ku'kesäigsaž vuâđđ meerlaž pä'rnn- da piârpoliti'kke. Strategiaiin viiggât õöudâs päärnaid da piârrjid kuõskki tu'mmstõktuâi, õhttsažtuâi da tuâimmjemnaa'lid nu'tt što tõ'st vää'lđt lokku pukin vaaldâšm vuu'din da taa'zzin veiddsânji da systemaatnalla vuâđđ- da ooumažvuõiggâdvuõttõõlgtoõzzid.

Strategia vuâđđâvv kouumm vuei'vvjurddja:

I

Strategiaiin raajât tuõđi pä'rnn -da piârrmiõttlös, päärnai vuõiggâdvuõđid ci'sttjeei Lää'ddjânnam.

II

Päärnai vuõiggâdvuõđid da staattus raajât põõšjen nu'tt, što päärnai vuõiggâdvuõđid vää'ldet lokku konsiste'nttlânnji puk poliittlaž da tuõttvue'kkšöös tuåimmjummšest jee'res õhttsažkoo'ddi vuäzzlai paaldâst da što päärna vuäžža teâđ si'jjid kuulli vuõiggâdvuõđin.

III


Ränn'jeei statuuzzâst åårrai päärnai staattus staaneet da sij taarb toobdâst pue'rben.

ÕM päärnai vuõiggâdvuõđi suåppmõõžž 1 artikla mie'lld õõlmâs-suåppmõõžžâst päärnan juu'rdet juõ'kk'kaž vuâlla 18-âkksaž ooumaž, gõõi ij pärnna suåvldeei laa'jji mie'lld tiuddâkksažvuõđ vuäžžat ää'i'jben. Meersaž päärnstrategia kuâskk ti'nt-aa pukid, keäk lie vuâlla 18-âkksaž. Lââ'ssen strategiast da tõn tiu'ddepiijjmõõžžâst vää'ldet veiddsânji lokku piârri, koin päärna jeä'lle, di päärnnuõđ da vuõrâsvuõđ lõõđâspooddâst åårrai nuõrr vuõrâsoummu.

Strategia vuõiggâdvuõðlaž da õhttsažkååddlaž vuâðð

ÕM päärna vuõiggâdvuõði suåppmõš (SopS 59–60/1991) lij Lää'ddjânnam õõlgteei ooumažvuõiggâdvuõttsuåppmõš. Tõt meä'rat tõk vuâlla 18-âkksaid kuulli vuõiggâdvuõðid, koid suåppmõšvaldiai âlgg staanâd jee'res jie'llem da õhttsažkåå'dd vuu'din. Tän pä'rnnstrategiast lij mie'rren čõõðted suåppmõõžž Lää'ddjânnma pijjum õõlgtoõzzid. Strategia nuäjjâatt ÕM päärnai vuõiggâdvuõði suåppmõõžž lââ'ssen jee'res Lää'ddjânnam kuõskki vuaðð- da ooumažvuõiggâdvuõtt-õõlgtoõzzid da Lää'ddjânnam nâânas vuõiggâdvuõtt-valdiaä'rbbvuõ'tte. Strategia tue'kken lie ÕM päärnai vuõiggâdvuõði suåppmõõžž nellj takaivuâððjurddi: cårste'mesvuõtt, päärna pue'raruõtt lij vuõss-sâjjsaž, päärna vuõiggâdvuõtt jie'llma, jie'llmen piâssmõ'šše da õõudâs viikkmõ'šše da päärna vuässadvuõtt.

**Pä'rnnstrategia sâā'jj päärnaid kuōskki
tu'mmstōktuāj da toi'mmjummuž vuâđđan da
kruuggâst:**



Obbvuõđ, koid vää'ldest lokku pä'rnnstrategias:

- Päärnai staarjõõzzi da jee'res frijjää'i'j täimmjummuž čõõđtummuš
- Päärnai suõjjõs juõ'kknallšem viõkkvää'ldest
- Pä'rnnpiârrji ri'jttjeei jie'llemtää'zz da sosiaalstaara'vvjummuš di tuâi da piârri õ'httesuåvtummuš
- Päärnai da piârrji taarbid va'stteei sosiaal- da tiõrvâsvuõttkääzzkõõzzi čõõđtummuš
- Päärnai o'dinaknallšem taarbid va'stteei ouddpeâmm da škooultõõzz jä'rjstummuš
- Päärnai â'lđd – da verddsažkõskkvuõđi tuärjjummuš
- Päärnai kuullmõõžž, vuässadvuõđ da vaikktemvuei'ttemvuõđi ooudâsviikkmõš
- Ränn'jeei statuuzzâst åârrai päärnai vuõiggâdvuõđi staanummuš
- Čârstummuž da jee'resärvvsâžvuõđ vuâsstatuâsttmõš päärnai da pä'rnnjoouki vuei'nnemkuu'limest
- Päärna pue'rmõõzz vuõss-sâjjsažvuõđ aktiivlaž suâvldummuš da pä'rnnvaikktõõzzi ärvvtõõllmõš
- Pä'rnnaa'šši koordinâsttmõš, pä'rnnstrategia, teâđai noormõš da päärnai vuõiggâdvuõđid kuõskki škooultõs

Puki pääärnai Lää'dd- jânnam

Lää'ddjânnam
lij šiõgg pää'kk
päärnaid šõddâd
da ravsmed.





Vision päärnai vuõiggâdvuõđid ci'sttjeei Lää'ddjânnam

Pä'rnnstrategiaiin raajât päärnai vuõiggâdvuõđid ci'sttjeei pärnn -da piârrmiõttlös Lää'ddjânnam.

Strategia vision lij Lää'ddjânnam, ko'st päärna vuõiggâdvuõđ teâuddje tiuddmeärrsânji da õõut-tää's-seld õhttsažkåå' dd pukin vue'ssvuu'din. Tõn visiost õhttsažkåå' dd puki sektoori tuåimmjeei to'bdde päärna vuõiggâdvuõđi miârktõõzz da pärnn -da piârrmiõttlös õhttsažkåå' dd äärv. Visio meâldlaž Lää'ddjânnam tue'jj-eet õõutsââ'jest.

Pä'rnn -da piârrmiõttlös Lää'ddjânnam investâstt päärnai da piârrji pue'rrjie'llma. Pue'rrjie'llem tuärjjee piârrji ri'jttjeei pi'rõgummuš, tuåimmai tuâi da piâr-jie'llem õ'httešiöttummuš, pue'rr õõlmlaž käazzkõõzz da tuåimmjemõudldõõzz pääiklaž tää'zzest di aktiivlaž meerlažõhttsažkå' dd. Visio meâldlaž Lää'ddjânnmest

vue'kkšōs õõutverddsaž da määngpeällsaž ouddpeâmm da škooultōs čõõðte päärna vuõiggâdvuõð šorrnummša, vuõrsmummša da mättjummša. Päärnai määñgnallšem jie'llemvue'jj da taarb toobdât da viõkkvää'ld, čärstem da jee'resärvvsazvuõð vuâsttatuâsttmõš vää'ldet tuõðsânji. Näkkam Lää'ddjânnam lij šiõgg päärk päärnaid šoddâd da šorrned.

Päärnai vuõiggâdvuõðid ci'sttjeei Lää'ddjânnam tää'-vat päärnai õu'dde pohttam vuainlmid da praavâd si'jjid vuei'ttemvuõð vuäžžad ââ'kktää'sseld teâð še vai'gjes teemain. Päärna va'ldde beä'l jii'jjes aarg pirrõõzzid da vue'jin, da sij miõl keä'sse še mij õhttsažkåå'dd jõnn, pâ'jelpuõlvõõgglaž kõõčcmõõžžid årra. Päärna tå'bdde jeärbi mie'lđd äimmõsmuttâz kõskksaž miärkktõõzz sij puõ'ttivuõ'tte da digitalisaatio vaar da vuei'ttemvuõðid. Päärnai vuässadvuõtt lij vääžnai sââ'jest visio meâldlaž Lää'ddjânnmest.

Päärna vuõiggâdvuõðid ci'sttjeei Lää'ddjânnmest päärnaid da piârrjid vaikkteei tuâimmjummuž nuäjjâatt plaanuum pâ'rnn- da piârpolitî'kke di päärna vuõig- gâdvuõđi čõõðtummša kee'jmie'lđd poliittlaž tuâim- mjummuž. Visio meâldlaž õhttsažkåå'ddest nââneet, što tuâimmjummuž vaikktõõzz päärnaid ärvvtõõlât tää'rķeld da što päärnaid kuõskki tu'mmstõktuâjj vuâđđââvv vue'kkšōs tiõttu da ää'sšmeâldlaž tu'mmjõ'sse. Tõn Lää'ddjânnmest teâuddje puõlvõõggi kõskksaž vuõigg- vuõđmeâldlažvuõtt da päärnai vuõiggâdvuõtt vuässõ'sse õhttsažkåå'dd resuursin.

Päärna vuõiggâdvuõđid ci'sttjeei Lää'ddjânnam lij demokraattlaž vuõiggâdvuõttvaldia. Tõt cågg õhttsažkååddlaž polarisâsttmõõž, teâđain manipulâsttmõõž da õhttsaž kõõččmõõžzi radikalisiâsttmõõž da tõn diõtt tõt tåbdd demokratia- da ooumažvuõiggâdvuõttšõddeem miârktõõzz. Kõskksaž lij tuärjeed puki päärnai vuõiggâdvuõđ miõttlõs pue'ttiäigga da sij vuässadvuõđ õutstõõzzin da õhttsažkåå'ddest.

Nâânas da resilie'ntt õhttsažkå'dd lij vääžnai sââ'jest muttsid, kriisid da čo'rstemvuõ'jjid va'stummšest. Päärna vuõiggâdvuõđid ci'sttjeei Lää'ddjânnmest tuärjj-eet päärnai, piârrji da õõutstõõzzi resuursid da kri-iskeâll'jemvuõđ da staaneet päärna vuõiggâdvuõđid še samai vaiggâd jeällmõõžzin Visio meâldlaž Lää'ddjânnam va'sttad še pue'ttiääi'j va'žžtõõzzid čie'ppeld da päärna vuõiggâdvuõđid ci'sttjee'l.

Päärna
vuõiggâdvuõđid
ci'sttjeei Lää'ddjânnam
lij demokraattlaž
vuõiggâdvuõttvaldia.



Čårstummuž da jee'resäärv'vuõđ vuâssttatuâsttmõš

ÂNN'JÕŽSÂJJ DA OOUMAŽVUÕIGGÂDVUÕTTVUÂÐÐ

Päärna vuõiggâdvuõđid ci'sttjeee Lää'ddjânnam lij puki päärnai Lää'ddjânnam. Tõn Lää'ddjânnmest päärna vuõiggâdvuõđi teâuddjummuš ij leäkku šidd tõ'st, ko'st son lij šõddâm, måkkam suu piârtuâggõs lij, le'be suu jee'res jiõččvuõđin. Päärna vuõiggâdvuõđid tuõđi ci'sttjeee õhttsažkåå'ddest vää'lđet lokku što päärna lie määñgnalla jee'resnallšem da see'st lie jee'resnallšem sââ'jj da taarb seämmast gu staaneet juõ'kk päärna vuõiggâdvuõđ pue'tted ââ'nned cii'stin da ââ'jj di šõddâmtää'ss meâldlânji jiõččnan.

Tän poodd päärnai pue'rrjie'llem lij Lää'ddjânnmest polarisâsttam: šuurmõs vue'zzest päärnain mâânn

puârast, leâša vue'ss päärnain lie pannvâai. Pue'rrjie'llem polarisâsttmöš šâdd kôrrsubun kriis-sõõ'jin da čo'rstem-vuõ'jiin, da kriisi häätla seu'rrjõõzz noorâ'tte rââ'žzmöš sââ'jest åârrjid. Pî'rÿgummušvaiggâdvuõð rââžzee päärnai vue'i'ttemvuõðid õõutverddsaz da tää'ssärvvsaz vuässadvuõ'tte öhttsažkåå'ddest. Pä'rnnvuõðâst šöddâm jee'resärvvsazvuõtt le'be vää'nn vuäitt seeiçâ'sttd kookkas vuõrâsvuõ'tte, da huõllân lie še pä'rnn-piârkreeu'hesvuõð pâ'jjelpuõlvvõõggla vaikktõõzz.

Čärstummuš kuõskat määngid päärnaid jee'res määinin. Ouddmiârkkân šöddâmvuõ'tte, lee'šk eunna, åâskldõ'kke, kiõ'lle, vâkka le'be puõzzlma, sooggbeälla le'be seksuaal'laž kärnjummuša öhtteei čärstemkiõčclâsst-mööžz kuõskte še päärnaid. Mängg tain aa'ššin toobdât čärstummuž vuâstlaž lää'jjšiõttmõõžâst, leâša čärstummuž cõggmõõžâst da õõutverddsazvuõð lââ'zz-tumm'est päärnai aargâst lij võl jiânnai tue'jeelemnalla.

Pannaasšid kässjõõttâm lââ'ssen lij vääžnai tuâimmad vuei'vvmeä'r tie'đee'l da ouddtu'mmjee'l što vuei'tet ainsmâ'tted tõt, što puki päärnai vuässadvuõtt öhttsažkåå'ddest teâuddai nu'tt puârast ko vââjj. Päärnai jee'resäärv'vuõtt teäddad, jõs meärrõõzzid valmštõõlee'l da tuâimmjummuž plaanee'l jeä't valddu lokku tõi tuõttvue'kkšös vaikktõõzzid jee'res sââ'jest åârrai päärnaid. Tõn diött valmštõõllmõõžâst da plaaneem da ooudâsviikkâmtuâjast fe'rtai vä'luded lokku kuhttu, nu'tt päärna jii'jjes spesiaaljoukkân gu še päärnai kõskkneez jee'resnallšem sââ'jj da taarb.

Čárstummuž da jee'resäärv'vuõđ vuâsstatuâsttmõš lij öhtt ŌM päärnai vuõiggâdvuõđi suåppmõõžž kuõ'ddi prinsiippin. Suåppmõõžž 2 artikla mie'lld suåppmõšvaldiain fe'rttai ci'sttjed da staanâd õõlmâs-suåppmõõžžâst tobdstum vuõiggâdvuõđid pukid tõi lää'kkâa'nnemvää'ld vuâlaž päärnaid kraå'a'ma ni mõõnnallšem rät'kkummuž. Lââ'ssen tõk reä'mme pukid tarbbsallaž tuåaimid, što vuä'i'tte ainsmâ'tted, što päärna suõjjeet juõ'čknallšem čárstummšest da rañstõõzzâst, kook vuâđđa'vee suu puärrsi, läägglaž huõltee'jees le'be jee'res piärnee'čkees statu'ssse, tuåimmjummša, jurddjid le'be väimmjurddjid. Čárste'mes tuåimmjummšest da õõutverddsäž âânnmõõžžâst mie'rreet še määñgin jee'res ooumažvuõiggâdvuõttsuåppmõõžžin. Seämmast ŌM päärnai vuõiggâdvuõđi komitea lij teä'ddääm teâttvuâđđsažvuõđ miârkktõõzz päärnai pue'rrjie'llem di vuõiggâdvuõđi ooudâsviikkmõõžžâst Tän poodd päärnai statuuzz kuõskki teâđ noormõõžžâst lie pann-looglažvuõđ da reä'i'j, mii rââžžad teâđain jáå'đtummuž päärnai pue'rrjie'llem pue'reem diõtt.

Lää'ddjânnam
lij puki päärnai
Lää'ddjânnam.

STRATEEGLA JURDDI

I

Viiggât ooudâs plaaneemnallšem tuåimin päärnai õõutverddsäzvuõđ. Noorât da äu'kkeet teâđ pue'rrjie'llemjeä'rdõõzzin da tõi määinain, da riõmât tuåimid pue'rrjie'llemjeä'rdõõzzi kee'žzeem diõtt nu'tt vaikkteei da päärnai vuõiggâdvuõđid ci'sttjeei naa'lin gu pâi vuei'tlvaž.

II

Ainsmââ'ttet, što jee'resnallšem kääzzkõõzz, tuärjjösmaall da vuässadvuõđ kanaal lie õõutverddsânji da čärstečâni vuäžžamnalla puk päärnaid Viiggât ooudâs âsttjemvuõđ da jee'resnallšem teâttõhttsažkåå'dd tuåimmjem-maallid jeä'rben päärnaid da päärnai määñgnallšemvuõđ lokku vää'ldee'l.

Ränn'jeei sââ'jest
åårrai päärnai
vuõiggâdvuõđi
staanummuš

ÂNN'JÕŽSÂÂ'JJ DA OOUMAŽVUÕIGGÂDVUÕTTVUÂÐÐ

Päärna staattus vuäitt lee'd jee'res määinain ränn'jeei tõnnalla, što tõt õõlgat ve'rõgnee'kkin da jee'res tuåimmjee'jin spesiaal vuâmmšõõzz. Ränn'jemvuõtt vuäitt õhttned ku'kken pišttum da õhttsažkâ'ddrajjõõzzâst šõõddi čârstummša ouddmiârkkân vââ'jj, puõzžâlm le'be lee'šk eeu'n diõtt. Ränn'jemvuõtt vuäitt nuu'bb beä'lnn lee'd vue'jjpuõðlaž, jös päärnaž lij ouddmiârkkân päärnaisuõjjõõzz ä'šne'kken le'be su'nne lij tue'jjääm veä'r, son lij rekkõõzzâst kaaðčum le'be viârtum. Lij-i miârkteei, što pukin päärnaid kuõskki tu'mmstõktuâjast da tuåimmjummšest vää'ldet lokku vaa'reel da vue'jjpuõðlânji päärna tuõttvue'kšõs jeällmõõžžid.

Lää'ddjânnam ooumažvuõiggâdvuõttõõgtõõzzzi čõõðtem diõtt ij faat, što šuurmõs vue'zzest päärnain määnn puârast. Tän poodd tõk päärna, kook lie määinast le'be nuu'bbest jää nab ränn'jee'jes sââ'jest ko jeärraz, jie pâi vuäžž tuärjjõõzz da vie'kk, koon sij taarbše. Päärnaid meinnum kääzzkõõzz jie leäkku pâi konsiste'nttlânji da veiddsânji vuäžžamnalla, da kääzzkõõzzi õsttmõš vuäitt tuõttää'šest õõlgted resuursid, koid pukin päärnain le'be piârrjin jie leäkku. Mängg päärna teivva še čârsteei

rajjõõzzid le'be luežžje'temes naa'lid samai tõin vuõ'jjin, koin sij jäänmõsân taarbše'če tuärjjõõzz le'be vie'kk.

Päärna jeällmõõžin vuä'itte lee'd seämma ää'i'j määñg jee'res ää'sš, kook lââ'zzte jee'resnalla suu statuuzz ränn'jemvuõđ. Tät keâš'tat ve'rõgñii'kkid da jee'res tuåimmjee'jid lää'đes päärna ouddõõzz tu'mmjummša, määñgämmattlaž öhttsažtuõju da kääzzkõõzzi åsttjemvuõđ lââ'zztummša. Seämmast âlgg ainsmâ'tted, što päärna teeivat puk tuåimmjummšest vuäzzli'žzen, ij pâi jeällmõõžzees diõtt.

ÖM päärnai vuõiggâdvuõđi suåppmõõžžâst leä't jeä'rben välddam lokku ränn'jeei sââ'jest åârrai päärnai statu'sse jeä'rbi mie'ldd piârri åâlgbeä'lnn jälsteei päärnai sââ'jj kuõskki 20 artiklast, lää'mes päärnai vuõiggâdvuõđid kuõskki 23 artiklast di minorite'ttjooukid koll'jeei päärnai vuõiggâdvuõđid kuõskki 30 artiklast. Ränn'jeei sââ'jest åârrai päärnai statuuzz staaneet še määñgin jee'res ooumažvuõiggâdvuõttsuåppmõõžžin da vuåp-pâmorgaani vue'jjin.

Ij faat, što
jäänbõs
vue'zzest
päärnain mâânn
puârast.

STRATEEGLA JURDDI

I

Vää'ldet ränn'jemvuõtt veiddsânji
lokku ouddcõõggõõtti tuâjast,
ko'rjjeei tuåimin da kääzzkõõzzin di
vuõiggâdvuõttstaanriâšldõõggin.
Lââ'zztet ouddcõõggõõtti tuâi
da ääi'jeld a'lõgi tuärjjõõzz di
kässjõõttmõõž.

II

Lââ'zztet tuåimid jeä'rben
ränn'jeei sââ'jest åârrai päärnai
vuõiggâdvuõdi čõõđtem diõtt. Nââneet
mäñggämmattlaž tuâi naa'lid da
õhttsažtuâi rajjõõzzid päärnai da piârrji
o'dinaknallšem taarbid lokku vää'ldee'l.
Vää'ldet lokku piârrji tuärjummšest
tõin koll'jeei da âlddkruuggâst åârrai
päärnai sââ'jj da vuõiggâdvuõđid jäänab
plaanee'l go ânn'jõžää'i'j.

III

Viiggât ooudâs naa'lid tobddâd da vä'lded
lokku kuhttu še õhttsažkå'ddrajjõõzzâst
šõõddi čârstummuž vaikktõõzzid gu
še vue'jjpuõđlaž ränn'jemvuõđ päärnai
statuuzzâst. Toobdât päärna jeällmõõžzin
jee'resnallšem ränn'jemvuõđ lââ'zzteei
aa'sšid da tõi noorõõttmõõžž.

Päärnai sue'jjlummuš viõkkvää'ldest

ÂNN'JÕŽSÂÂ'JJ DA OOUMAŽVUÕIGGÂDVUÕTTVUÂÐÐ

Lää'ddjânnmest lij tue'juum nâânas ooudâsviikkâmtuâi päärnai viõkkvää'ldest sue'jjlummuš diõtt. Viõkkvää'ldest hääitaid toobdât pue'rben da fi'ttjõõzz päärnaid till'lõõvvi viõkkväldda lie čouggâm.

Va'žžtõssân lij veâlâinn, što viõkkvä'ldest da hue'neldâânnmõš päärna õõldâs- da verddsažkôsk-kvuõðâst pääcc leeigas täujja kue'st'temmen. Kääzzkâ'sttemriâššmõš ij pâi o'nnest va'ststeed tuärjjõõzz taarbid nokk viõkkšânji Päärnžen šõddâm fyyslaž, jiõgg-saž le'be seksuaal'laž viõkkvä'ldest lij miârkteei riskktuejjei mâ'ñjlest šõõddi pue'rrije'ilma, da päärnže jiõccses

till'lõõvvi viõkkvää'ld lââ'ssen še päärna õõldâskõsk-kvuõđin aiccâm viõkkvää'ldd lij häaitlaž päärnze.

Hå't-i fi'ttjõõzz päärnaid till'lõõvvi viõkkväldda lie čouggâm, mängg päärna teivva veâlâinn aargstes viõkkvää'ld, heâmmummuž, ääuktõõllmõõž le'be hue'neldânnmõõž. Päärna teivva viõkkvää'ld še piârkruugg åâlgbeä'lnn ouddmiârkkân škooulâst, staarjõõzzin le'be digitaal'laž pirrõõzzâst, jie-ga päärna ũiõčclâsttmõõž tuõđâsvuõđ tobddu dovo'lna. Päärna pue'rrjie'llem vuäitt vaarrted še päärna jiijjâs pä'rtteei jälstõõttmõš. Tõn lââ'ssen, što viõkkvää'ld ũiõčclõsttum päärnaid jie kaunnu vuõiggäigsaž da vaikkteei vie'kk, viõkkväldda vie'rriõvvum päärnaid ij leäkku nokk vie'kk ta'rjeemnalla. Päärnai kõskksaž le'be muđoi päärnai önnum viõkkväldda jeä't kässjõttu dovo'lna viõkkšâni.

Digitaal'laž pirrõs lij vääžnai vue'ss päärnai aarg, leâša tõt ta'rjjad še kanaal heâmmummša da ūkeeu'summša. Päärnai ũiõčclâsttam seksuaal'laž heâmmummuš intern-ee'ttest lij eežza takai. Päärnai jiijjâs staansiltõõzzi da digitaal'laž vuârrvaikktemslittõõzzi nâânummuš vie'kkat cõggâd vue'zz heâmmummšest, da lââ'ssen päärnaid fe'rtai ainsmâ'tted vuei'ttemvuõđ vuäžžad vie'kk hie'lkeld. Päärnai ũiõčclâsttam seksuaal'laž heâmmummša da ääuktõõllmõõšše fe'rtai kässjõöttâd tâ'lles.

Päärnai sue'jjlummuš pukin viõkkvää'ldin lij õhtt ŒM päärnai vuõiggâdvuõđi suâppmõõž kõskksaž vue'zzin, da vuõiggâdvuõtt jie'llma lij staanuum še jee'res ooumažvuõiggâdvuõtsuâppmõõžzin. Suâppmõõž 19 artikla mie'ldd suâppmõšvaldia reä'mme pukin

ää'sšmeâldlaž lää'jjšeâtlvaž, vaaldšemuõđla, sosiaal'la da škooultōsnallšem tuåimid, što sij vuäitče suõjjled päärna juõ'kknallšem fyyslaž da jiõglvaž viökkvää'ldest, pä'rttummšest, huõlte'mesvuõđâst le'be hue'neld âän-nmõõžâst le'be ääuktõõllmõõžâst. Päärnaid till'lõõvvi viökkvää'lđ vuâsttatuâsttmõš lij kõskksaž še suåppmõõžž va'lljeemnallšem pâ'rddkii'rjin da määñgin jee'res ouu-mažvuõiggâdvuõttsuåppmõõžžin , mâ'te Lanzarote da Istanbul suåppmõõžžin.

Juõ'kk päärnast
lij määi'nte'mes
vuõiggâdvuõtt jie'llma
da sue'jjlummša pukin
viökkvää'lđ häämain.

STRATEEGLA JURDDI

I Juõ'kk päärnain
lij mää'i'nte'mes
vuõiggâdnuõtt jie'llma da
suõjilummša viõkkvää'l d
häämain.

II Jue'tket päärnaid till'lõõvvi
viõkkvää'l d vuâsttsaž tuâi. Nââneet
puärrazvuõttsil ttõõzzid da puärrazvuõd
tuärjjõõzz nu'tt, što päärnaid hääitla
šõddummušnaa'l id kaaunât grååtnai,
päärnai vuõiggâdnuõdid da päärna
spesiaalstatuuuzz ci'sttjeei nu'bbnallšem
määinайд.

III

Põõžztet tuâjjnaa'lid viökkvää'ld da heâmmummuž cõggâm diõtt da ää'i'jeld a'lõgi kässjõõttâm väeras. Vuâmmiset jeä'rben digitaal'laž pirrõõzzâst šõõddi viökkvää'ld da heâmmummuž di digitaal'laž pirrõõzzâst liâvtum viökkvälddsâž materiaal. Viiggât ooudâs staansilttõõzzid da digitaal'laž silttõõzzid ra'vvjeei šõddeem-maallid da mätt'tõõzz

IV

Riõmât plaaneemnallšem tuåimaid viõkkvää'ld le'be heâmmummuž škiõčclâssttam päärnai käazzkõõzzi nââneem diõtt da sa'tssjed pärnnkaup da jee'res ååumkaup vasttsaž tuõjju veiddsânji jee'res vaaldâšmvuu'din.

V


Viiggât ooudâs naa'lid tobddâd viõkkvää'ld da hue'neldâânnmõõžž nu'tt ää'i'jeld, što päärnaž peäss suu tuärjjei käazzkõõzzi vuâlla tâ'lles ko son tõid taarbaš. Tuâsstad päärnze till'lõõvvi viõkkvää'ld vaarr vuâstta da viiggât ooudâs vaalmâšvuõđid jee'resnallšem viõkkvää'ld - da hue'neldâânnamvuõ'jjid kässjõõttâm vääras.

VI

Oožzât viõkksaž, määñgämmattlaž da määñgvaaldšem mõõntõõllmõõžžid päärnai viõkkvälddsäž jälstõõttmõõžž cõggâm diõtt. Staaneet päärnaisuõjjõõzz vuei'ttemvuõđid va'žžâd sâjjsažhuõl čõõđtummša da vuassõõđât da tuärjeet piârrjid tuâjast päärnai veä'kkem diõtt.

Puârast- vââjjai da siltteei pääärna

Vuei'vvtäävtõssân
lij päärnai pue'rr
jie'llem.





Päärnai da piârrji sosiaal- da tiõrvâsvuõttkääazzkõõzz

ÂNN'JÕŽSÂÂ'JJ DA OOUMAŽVUÕIGGÂDVUÕTTVUÂÐÐ

Vuei'vvtäävtössân lij päärnai šiõgg jie'llem, koon tuåimmai päärnai da piârrji kääzzkâ'sttemsysstee'm tuärijjad. Sosiaal- da tiõrvâsvuõtthuõll kääzzkâ'sttemsysstee'm vuei'tet fi'ttjed kouummtässžen jä'rjstõõvvâm: tõn vuõssmõs tää'zzest tuâstat tiõrvâsvuõðlaž da sosiaal'laž pro'blee'mid vuâstta ooudbeä'lnn cõggmõõžz mõõntõõllmõõžžin, nuu'bb tää'zzest põõrgât cõggâd ju'n ho'hssum puõzzlmi le'be sosiaal'laž pro'blee'mi lossnummuž, da kuälmad tää'zzest põõrgât ko'rjeeed da kiâpsmed ju'n lossnjen šõddum puõzzâlm le'be sosiaal'laž problee'm häi'ttvaikktõõzzid.

Tän poodd systee'm lij u'cc kuu'skin jie-ga tõk mainste nu'tt puârast kôsknhee, da jeä'rben määñg jee'res kääzzkôözzid taarbšeei päärna da piârri sätte pää'cced tuöttää'shest vie'kktaä da tuärjtää. Kääzzkôözz õ'htesuânn'jummšest leä't aiccâm problee'm jeä'rbi mie'lld vuâdd- da spesiaaltää'zz kääzzkôözz kôöskâst da miölltiõrvâsvuöttkääzzkôözz da jee'res sosiaal- da tiõrvâsvuöttkääzzkôözz kôöskâst. Lää'mes päärnai da sij piârri jääzzkôözz koordinâsttmõš lij vännai, mii heät-tâtâtt miârkteeinalla päärnai šöddmõöžž tuärjjummuž. Kääzzkâ'sttemssystee'm va'žžtõözz lie vuei'nnemnalla še päärnaisuõjjõözzâst.

Šiõgg miölltiõrvâsvuõđ vuâdd raajsmâavv pärnn-pooddâst, da tõn diõtt miölltiõrvâsvuõđ tuärjeei da tõn sie'jjitõözzid hoi'ddjeei kääzzkôözzin lij vääžnai miârktõs päärnai pue'rrjie'llmest. Miölltiõrvâsvuõđ heämmõözz lie miârkteei meertiõrvâsvuõđlaž va'žžtõözz, jie-ga miölltiõrvâsvuöttkääzzkôözz tän poodd tiõuddu seämma tää'zzest jeärrsi sosiaal- da tiõrvâsvuöttkääzzkôözzivui'm. Miölltiõrvâsvuõđ heämmõözz hâiddmõš da šiõgg miölltiõrvâsvuõđ raavummuš õudlde tuåimmai kääzz-kôözzid da määñgvaaldšem tuåimid čârrõõttmõöžž da pro'blee'mi noorõõttâm cõggmõöžž diõtt.

Škooul'jum, siltteei da puârast vââjji personkå'dd vie'kkat staaneed päärna vuõiggâdvuõđid da pue'r-rjie'llem čie'ppeld da konsiste'nttlânji. Sosiaal- da tiõrvâsvuöttkääzzkôözz personkå'dd vaajtemvuõđ keä'ppummuš nâänad še vue'zzstes kääzzkôözz kval-itee'tt da juätkjemvuõđ, gu kääzzkôözzid õõ'nni päärnaž

vuäitt na'ddjõõttâd jijjâs staani vuõrâsoouumže suu kontakttân. Tän poodd täk täavtõõzz jie tiõuddu tiudd-meärrsânji, pe'ce personkå' dd lie määngin kääzzkõõzzin kuârmmjum da vaajtemvuõtt lij jõnn.

Kääzzkâ'sttemsystee'm fe'rttai vuâđđad tõõzz, što kääzzkõõzz šâ'dde päärnain da piârrjin, što kvalite'tt lij šiõgg, što tõk ri'jtte da lie vuäžžamnalla. Ri'jtjeei ää'i'jeld älggam tuärjõs da pue'rrjie'llem da tiõrvâsvuõđ ooudâsviikkmõš cõ'gje puârast lossääb kääzzkõõzzi taarbid da pue'ree kuu'kken pe'şttee'l päärnai di piârrji jie'llemkvalitee'tt da aarg. Sosiaal- da tiõrvâsvuõtthuõl kääzzkõõzzi vaikktemvuõđ lââ'zztem diõtt nââneet õhttsažtuâi čuõvtemtuâimin da frijjää'i'j kääzzkõõzzin di jee'res õõutstõõzzivui'm.

Sosiaal- da tiõrvâsvuõttkääzzkõõzz lie vääžnai, määngai ouumažvuõiggâdvuõttõõlgtõõzzi tiuddmõõžžâst. ŌM päärnai vuõiggâdvuõđi suåppmõõžž 24 artiklast nââneet, što päärnast lij vuõiggâdvuõtt pukin pue'rmõs vuäžžamnalla åârrai tiõrvâsvuõttsâjja da tiõrvâsvuõttkääzzkõõzzid, da vuâđđlää'jj 19.3 § mie'ldd õõlmâs vää'ldest fe'rttai staanâd, tõn mie'ldd mii laa'jjin tää'rķben šiötteet, juõ'kk'ki'žze ri'jtjeei sosiaal- da tiõrvâsvuõttkääzzkõõzzid da ooudâsviikkâd narood tiõrvâsvuõđ. Sosiaal- da tiõrvâsvuõttkääzzkõõzz lie še kôskksaž määngin Euroopp ooduum sosiaal'laž vuâđđkee'rj meärrõõzzin.

STRATEEGLA JURDDI

I

Viiggât ooudâs tõt, što käazkõõzzi vuâđđan lie päärna da piârri, što tõk lie vuäžžamnalla, da hie'lkeld vuäžžamnalla åårrai tuåimmjemhäämaid ouddmiârkkân piârkõõskösmaall vie'kken.

Tobdškuä'đet vuei'ttemvuõđid viikkâd ooudâs ouddtu'mmjeei da cõõggi tuåimmjem-maallid di ää'i'jeld a'lõggi tuärjjõõzz da nââneet käazkõõzzid tiõttu, ta'rbbe da o'dinaknallšem käazkõspalggsid vuâđđõövvi naa'lin. Tuärjeet personkåå'dd silttummuš, pue'rrjie'llem da põõššâmvuõđ.

II

Staaneet juõ'kk päärnže staani šõddeempirrõõzz da jee'res pue'rr miõlltiõrvâsvuõđ oudldõõzzid. Viiggât ooudâs miõlltiõrvâsvuõttkääzzkõõzzid da šiõgg miõltiõrvâsvuõđ ouudeei tuâjjhäämaid da vue'jjid še veiddsubun.

III

Vää'ldet lokku veiddsânji sosiaal- da tiõrvâsvuõttkääzzkõõzzi õ'htte njââđđmõš čuõvtemkääzzkõõzzivui'm, jee'resnallšem pue'rrjie'llem da tiõrvâsvuõđ ouudeei kääzzkõõzzid, tuâimmjummssid da õutstõõzzid. Viiggât ooudâs kuälmad sektoor oudldõõzzid tuärjeed päärnaid da piârrjid kääzzkâ'sttemriâšsmõõžž tiuddeei nalla.

IV

Vää'ldet lokku ränn'jeei statuuzzâst
åärrai persooni, mât'e spesiaal tuärjjöözz
taarbšeei päärnai, kääzzkõstaarbid Viiggât
ooudâs päärnaisuõjjöözz kvalitee'tt da
tuåimmjee'ji vaalmâšvuõđid čõõđted
päärnai vuõiggâdvuõđid tiuddmeärrsânji.
Tuärjeet šiõgg vue'jji ooudâsviikkmõöžž
päärnaisuõjjöözz jee'res tuåimmjempirrõözzin.

V

Vää'ldet lokku vuõrâsoummui vuäžžam
kääzzkõözzin jäänab plaaneel go ânn'jõžää'i'j
sij â'lđdkruuggstes åärrai päärnai sââ'jj
da vuõiggâdvuõđ. Tobdškuä'đet päärnai
jee'resnallšem piârsõö'jid da vää'ldet lokku
pue'rben ko ânn'jõžää'i'j piârrji da piârhäämai
määñghämmsažvuõđ.

Ouddpeâmm da škooultõs

ÂNN'JÕŽSÂÂ'JJ DA OOUMAŽVUÕIGGÂDVUÕTTVUÂÐÐ

Vue'kkeš da õõutverddsäz ouddpeâmm da škooultõs lie Lää'ddjânnam raavâsvuõđ. Tõk lie vue'zzstes raajjâm vue'i'tlvi'žzen Lää'ddjânnam jeärmmõõvwmõõžz silttummša, innovaatioid da teknologiaa'je vuâđđõõvvi õhttsažkå'dden, da pue'tti lååi ii'jjin škooultõs lij vääznai tuejjei tuâi muttsid vasttummšest. Lää'ddjânnmest lij puârast škooultum personkå'dd, öll'jânji škooultum u'čtee'l da briljantt škooultemriâšmõš, ko'st puu't'tet ölltäss'saž silttummuž da viiggât ooudâs päärnai obbvää'ldlaž pue'rrjie'llem.

Vue'kkšös da õõutverddsäz ouddpeâmm, vuõss-mätt'tõs da škooultõs tää'zzte päärnai tuâggõõzzâst

pue'tti pue'rrjie'llemjeä'rdõõzzid da jee'resärvvsažvuõđ. Tu'tkkummšin lie ho'hssjum, što vue'kkšös ouddpiõmmu vuässõõttmõõžâst lij miârktöös mâ'ηnlakast mättjem diõtt. Lää'ddjânnmest lij määngaid jee'res jânnmid ve'rddee'l vää'nes vuässõõttâmgraadd ouddpeâmmast, hâ't-i vue'kkšös ouddpeâmmast lij kookkâs pi'stta ääu'k päärna obbvää'ldlaž šõddmõõšše. Vuõssmätt'tõ'sse vuässõõttmõš lij veeidas da tõõzz vuässââtt miâlggâd ceâlai ââ'kk-klass. Jõs škooulâst jáåttmõš jõskk le'be mättjempuåđõõzz pääcce rââ'šsen ju'n ouddâl vuâđđškooul jáåttmõõžž, čârrõõttâmriskk šorran miârkteeinalla.

Ouddpeâmm da oudd- da vuâđđmätt'tõs lie čuõvttemkääzzkõõzz da päärnai kõskksaž aarg pirrõõzz, koin päärnai tuâimmjemvuõđ da vuässadvuõtt teâuddje. Ouddpeâmmast da škooultõõzzâst lij vääžnai vä'luded lokku päärnai jee'resnallšem o'dinaknallšem taarbid da jie'llemsõõ'jid di vue'i tlvaž ränn'jeei statu'sse vaikkteei raajõõzz. Tuâimmjeei määñgvaaldšem öhttsažtuâjj tuärjjad päärna da piârri pue'rrjie'llem da mättjummuž. Mättjummuž tuärjjõõzz âlgg lee'd dovo'lna vuäžžamnalla. Mättjemjeä'rdõõzz šorrne vuâđđmätt'tõõzz ää'i'j da pukin miârkteei joouki kõskksaž jeä'rdõõzz oočndâ'tte â'lddlاب vuâđđmätt'tõõzz loopp teei ââ'kk-klaassid. Huõllân lij še, što paa'rni da niõdi mättjemjeä'rdõõzz lie ju'n OECD-jânnmi šuurmõõžž da tõk lie õinn šorrne'mmen.

Samai åâ'n ouddpeâmm da škooultõs staanee päärna vuõiggâdvuõđ mättjummša da ta'rjhee sââ'jj verddsâžkõskkvuõđid, öhttsallâšvuõ'tte da kuu'kkäiggsaž pue'rrjie'llma. Mättjummuž paaldâst âlgg-i vä'luded

lokku pue'rrjie'llem da ra'vvjed, što päärna tuärjjöös da mätt'tõõttmõšhuâll seilla ra'vves tää'zzest. Mättjummuš da pue'rrjie'llem lie kuei'mm kuei'mes tuärjjeei da oooudee. Mättjummuš raajj pue'rrjie'llem da pue'rrjie'llem tuärjjad mättjummuž. Keeu'summuš da viõkkvää'ld västtsaž tuõjju taarbšet tuåimmjeei vue'jjid da resuursid. Silttummuž da resuursi lââ'ssen âlgg ra'vvjed, što päärnai kuullmõš da vuässadvuõtt ouddpeâmmast da škooulin teâuddje õhttnânji da veiddsânji.

ÖM päärnai vuõiggâdvuõđi suåppmõõžž 28 artiklast mie'rreet juõ'kk päärna vuõiggâdvuõđâst vuäžžad mät-t'tõõzz da 29 artiklast meä'rtet škooulõõzz täavtõõzzid Suåppmõõžž 28 artiklast suåppmõšvaldia čõnnâ'tte še riõmmâd tuaimid jeä'rbi mie'lld škooulâst mie'rrkõõskin jäättmõõžž ooudâsviikkâm diõtt da škooulâstjäätt-mõõžž jõskkmõõžž uu'cceem diõtt. Vuâđđlää'jj 16 §:st staaneet čuõvtõõzzlaž vuõiggâdvuõđid da šiõtteet juõ'kkka vuõiggâdvuõđâst määuste'mes vuâđđmät-t'tõ'sse. Ouddpeâmmast da škooulõõzzâst lij vääznai miârktõs še jee'res ooumažvuõiggâdvuõttõõlgõõzzi čõõđtummšest.

Кeeu'summuž da
viõkkvää'ld vuâsttsaž
tuõjju taarbšet
tâimmai naa'lid.

STRATEEGLA JURDDI

I

Joortet mättjempuåđõözzid pâjjnummša da uu'cceet jee'resärvvsazvuõđ plaaneemnallšem da täävvõözzlaž tuåimin. Ra'vvjet dovo'lna resuursid ouddpeâmmast da škooultõõzzâst. Staanât juõ'kk päärnže vuei'ttemvuõtt o'dinaknallšem taarbid va'stteei škooultõ'sse da obbvää'ldlaž mättjummša da silttummuž ooudâsviikkmõ'šše. Staanât jee'res pä'rnnjoouki sââ'jj da vää'l det lokku rä'nnjemvuõđ ra'vvjee'l õhttsallaš da vuässõõtti tuåimmjemkulttuur da nâânee'l tuåimmjeei inklusio da o'dinaknallšem mättjempalggsid.

II

Tobdškuä'đet ouddpeâmm miârktõõzz vue'ssen škooultõsriâsshõõžž. Pââ'jeet ouddpeâmm vuässõõttâmgraadd nu'tt što poou'tet še veiddsubun õu'dde ouddpeâmm o'dinaknallšem da öhttsažkååddlaž miârktõõzz, uu'ccee'l plaaneemnalla ää'ššlažmääusaid da veeidee'l määuste'mesvuõđ. Täavtõssân kuu'kkab ää'i'jkõõskâst lij määu'ste'mes ouddpeâmm. Pue'reet ouddpeâmm kvalitee'tt jeä'rbi mie'lđd staanee'l ri'jttjeei da õll'jânji škooultum personkå'đd di ärvvtõõlee'l da ooudâsviiggee'l tuâimmjummuž määngpeällsânji. Pue'reet ää'i'jeld a'lõggi vuâđđsilttummši mättjummuž da vuârrvaikktõskõskkvuõđi põõššâmvuõđ ooudâsviiggee'l vuõssmätt'tõõzz da vuâđđmätt'tõõzz alggvue'zz obbvuõttân. Njââ'đet tue'les- da jeä'kkespei'vvtoimmjummuš di seä'brrtoimmjummuš jää nab vue'ssen škooulpee'i'v da sa'tss jed tuâimmjummuš kvalitetta.

III

Staaneet ouldõõzzid päärna mättjummša,
jeärmmõõvvmõ'šše, da škooulâst
jååttam tuärrjö'sse di šoddeem- da
mätt'tempersoonkåå'dd tuõjju da mätt'tõõtti- di
mätt'tõõttâmhüäl kääzzkõõzzid. Fe'rttai ra'vvjed
määñgvaaldšem õhttsažtuâj teâuddjummuš,
gõõi päärna da piârri vuäžža ri'jttjeei obbvää'Idlaž
tuärjõõzz. Äu'kkeet ânn'jõž da oožžât
määñgnalla oðð kuânstid škooulâst jååttam
kõskldõõvvmõõžž da čârrõõttmõõžž cõggmõ'šše.
Vää'Idet lokku jeärben škooultummuš
lõõðâspoooddid. Ra'vvjet, što juõ'kk päärnaž
vuäitt spraavdõõttâd vuâððmätt'tõõzz mâñjna
uu'ccmõsân nuu'bb tää'zz tu'tkkõõzz.

IV

Viiggât ooudâs silttummuž da lââ'zztet resuursid päärnai pue'rrjie'llem staanmõ'sše ouddpeâmmast, škooulâst da jee'res aarg õutstõõzzin. Žeeu'summuž cõggmõõžž da tuâjjrääuh ooudâsviikkmõõžž âlgg lee'd plaanuum da juätkkjeei aargâst šõõddi tuåimmjummuž. Ra'vvjet tobddmõš- da vuârrvaikktös-silttõõzzid ouddpeâmmast da škooulin. Žeeu'summša kässjõõttâm vääras da viõkkvää'ld cõggâm vääras rajjum tuåimmjem-maalli tuåimmjemvuõđ ärvvtõõlât, pue'rren žiöččlõsttum naa'lid liâvtet da ođđ naa'lid raajât ho'hssjum taa'rbi mie'ldd.

Piârri ri'jttjeei pi'rğgummuš da tuâj di piârri õ'httesuåvtummuš


ÂNN'JÖŽSÂÂ'JJ DA OOUMAŽVUÕIGGÂDVUÕTTVUÂÐÐ

Piârri ri'jttjeei pi'rğgummuš lij vääžnai päärna pue'rrjie'llem raajji. Õõlmâs vää'ld tuâjjan lij tuärjeed piârri da jee'res päärna huõllâannmõõžžâst va'stteei vue'iittemvuõđid staanâd päärna pue'rrjie'llem da o'dinaknallšem šõddmõõžž. Lää'ddjânnam meerekonomii kuârmte mottjeei huâllkõskkuõtt da vue'llgaž šõddâmvuõtt, da piârõõvvmõõžž cõgldõõzz da šõddâmvuõđ vuâllnummuš lie probleem ſe ooumažlaž kiõččâmvue'jjest. Õll'jab tuâjjuõttgraadd da tuâimmjeei tuâjj- da jie'llemvue'kkjääll lie pi'štti meerekonomii vuâđđ.

Päärna vuõiggâdvuõđi teâuddjummuš õõlgat ânn'jõõžž ravvsab staansääim piârrjid, gõõi piârrji

kuârmtôs da päärnnpârkeeu'hesvuõtt jie šõõdd päärna
pannvââ'jen. Snäätñas lij, što piârri heäjas puåttitää'ss
da vue'lugaž tuâjjvuõttgraadd rââšsee päärna sââ'jj
määñgnalla, da tät riskk lij tobddum še Lää'ddjânnmest
jeä'rben öhttujeä'lteeipiârrjin. Päärnnpârri keeu'hesvuõtt
ij pâi leäkku öhttvuõdâst tuâite'mesvuõ'tte, pe'ce joba
peä'lest keeu'hes päärnnpârrijn lij tuâjast jie'lli jeä'lteei.

Piârrji pue'rrjie'llem ouudee luežžjeei vuei'ttemvuõđid
da va'lljeemväärr tuâj da piârri õ'httesuåvtummëst



Piârri ri'jttjeei
pi'rğğummuš lij
vääžnai päärnai
pue'rrjie'llem
raajji.

päärnai jee'res ââ'kăpooddin. Piârmiõttlös tuâjj-jie'l-lem lij ceâlai öhttsažkåå'dd ä'sš: pue'rmös sââ'jest vue'i'ttemvuôđ luežžjeei le'be vue'ssäiggsaž tuõju vie'kkte nu'tt teâuddjed päärna vuõiggâdvuõđid, go še va'stteeid kuhttu piârri da jie'llemvue'kkjääll taarbid. Ânn'jõzsââ'jest piârri sââ'j lokku välddmõ'šše da tuâj di piârri õ'httesuåvtummša lie kuuitâg määng kõddâz.

Piârri kõskksaž tool päärna vuõiggâdvuõđi teâuddjumm'est lij tobddum määngin ŌM päärnai vuõiggâdvuõđi suåppmõõž artiklain seämmanna gu ekonomlaž, sosiaal'laž da čuõvtemnallšem vuõiggâdvuõđid staani ooumažvuõiggâdvuõttsuåppmõõžzin. ŌM päärnai vuõiggâdvuõđi 26 artiklast mie'rreet vuõssmõsân juõ'kk päärnai vuõiggâdvuõđâst naaudšed sosiaalstaanâst. Lää'ddjânnam vuâđđlää'jj 19.3 § tiuddad sosiaalstaan kuõskki vuâđđvuõiggâdvuõđid šeâttmõõžzin, koon mie'ldd õõlmâs vää'ldest âlgg še tuärjeed piârri da jee'res päärna huõllâânnmõõžâst va'stteei vue'i'ttemvuõđid staanâd päärna pue'rrjie'llem da o'dinaknallšem šõddmõõž.

STRATEEGLA JURDDI

IČõnnõõđât uu'cceed päärnnpiařkeeu'hesvuõđ plaanuum tuåimin čõõđ õhttsažkåå'dd. Päärnnpiaarrji ri'jttjeei pi'rõgummuž ra'vvjummuš da päärnnpiařkeeu'hesvuõđ uu'ccummuš kaaggât teäddceäkldõssân sosiaalstaan ooudâsviikkmõõžžâst.

II

Viiggât ooudâs õhttsažtuâjast tuâjj-jie'llem piârmiõttlõsvuõđ da tobdškuä'det jee'resnallšem tuâj tue'jjeem naa'lid. Tuâj, mättjummši da piârri õ'httesuåvtummšest vää'ldet lokku ânn'jõõžž pue'rben piârri da piârhäämai määñgnallšemvuõđ di ceälai päärnpoodd. Lââ'zztet luežžjeei vuei'ttemvuõđid piârrjid jue'kked peâmmva'sttõõzz puärrsivui'm da jee'res ölddsivui'm ma'te maaddârpuärrsivui'm. Staaneet piârrji va'lljeemfrijjuõđ riâššâd jeärben u'cc päärnai hâiddmõš dååma.

III

Vää'ldet lokku piârrji da piârhäämai määñgnallšemvuõđ jee'resnallšem vuõi'ÿgest le'be pannvuõi'ÿgest piârrjid årra pijum tuärjjõshäämain. Piârrjid årra pijum tuärjjõõzz viiggât ooudâs nu'tt, što tõt väldd lokku pue'rben ommažpoodd taa'rbi lââ'ssen ânn'jõõžž pue'rben še jee'res päärnpoodd.

Päärnai õõldâs- da verddsažkõskkuõđ

ÂNN'JÕŽSÂÂ'JJ DA OOUMAŽVUÕIGGÂDVUÕTTVUÂÐÐ

Õõldâs- da verddsažkõskkuõđin lij jõnn miârktõs nu'tt päärnaid gu še vuõrâsouummuid. Õõldâs ooumažkõskkuõđ ra'vvje pue'rrjie'llem da suõjjee vuâssttakiâvvmõõžži vaikktõõzzin. Tu'tkummši čuõvâst jõnn vue'zzest päärnain lie šiõgg kõskkuõđ puärrseez da õõldâs na'zvaan, da tåbddlåågg lie joba puârrnam siõmmna mõõnni ii'jjin. Šiõgg kõskkuõđid še maaddârpuärrsid tuärjhee vue'zzstes päärnai obbvää'ldlaž šõddmõõžž.

Pukin päärnain jie kuuitâg leäkku staanân pue'r-rjie'llem ouudeei õõldâs- da verddsažkõskkuõđ, da mängg päärna vuäžja lee'd öhttu, lie hue'neld âannam,

vuäžža viõkkvää'ld le'be vaiggâd piârsõõ'jid. Vaikktõõzz pue'rrjie'llma lie miârkteei da juätkje täujja kookkas pue'ttiäigga.

Õhttnažvuõtt noorââtt täujja ju'n valmmšen ää'pptab sââ'jest åârrai päärnaid. Jeä'rben sâjjsažhuâlast åârrai le'be muðoi domm åâlgbeä'lnn jälsteei päärnai õht-tvuõðâânnmõš sij âlddsid vuäitt pää'cced vännsen, da piârri pi'rõgummušvaiggâdvuõð lââ'zzte riisk päärnai õhttnažvuõ'tte da čorru kuâðđjummša. Päärna kiõččâm-vue'kk da õõldâskõskkvuõði kâ'ddem vääžnaivuõtt pää'cce še kuä'ss-ne vuâmmšekâni vä'žžlõs jeä'rdõsvue'jjin.

Diğitaal'laž pirrõs lij õinn vääžn'jab päärna õõldâs- da verddsažkõskkvuõði diõtt. Õhttvuõðâânnmõš na'zvaanid da âlddsid šâdd täujja internee'ttest, da ougglösõhttvuõð vuäi'tte raajjâd vuei'tlvi'žzen luežžjeei õõutsââ'jest åârrmõõžž jee'resnallšem vue'jjin. Seämmast diğitaal'laž pirrõs diõtt fe'rttai jeä'rben kässjõõttâd keeu'summša, heâmmummša da jee'res viõkkväldda oðð kuânstivui'm, te'l tõt ta'rjjad še oðð kanaalid häätlaž eetmõõžžid.

Jäänbõs vue'zzest
päärnain lie pue'rr
kõskkvuõð puärrsid
da õõldâs na'zvaan.

Dižitaal'laž pirrős
lij õinn vääžn'jab
päärna õõldâs- da
verddsažkõskkuuõđi
diõtt.

Päärna õõldâs- da verddsažkõskkuuõđi miârktôs lij tobddum määngin ouumažvuõiggâdvuõttsuåppmõõžzin di vuåppâmorgaani siâzztõõzzin. ÕM päärnai vuõiggâdvuõđi suåppmõõž 9(3) artikla mie'lđd suåppmõšvaldia ci'stje jeä'ltee'je'stes le'be puärrse'stes jeä'rdõõzzâst jälsteei päärna vuõiggâdvuõđ ââ'nned â'lnn persoonlaž kõskkuuõđid da vuõigg õhttvuõđid kuhttu puärrsivui'm mie'rrkõõskin, pe'ce jõs tõt lij päärna ouddõõzz vuâsstsaž. Vuâđđlää'jj 10 §:st gõs šiötteet privattjie'llem suõjâst, da šeâttmõš kätt še piârjie'llem suõj Euroopp ouumažvuõiggâdvuõttsuåppmõõž 8 artikla meâldlânji.

STRATEEGLA JURDDI

I

Staaneet päärna vuõiggâdvuõð
ââ'nned öhettvuõð puärrsab
vue'bbživui'm da jeärrsid päärna
õõldâs oummuivui'm jee'res
jie'llepooddin. Vää'ldet lokku
päärna ouddõõzz mie'ldd päärnže
õõldâs da su'st aargâst huâleei
vuõrâsoummuin, mâ'te jie'nn, ee'jj da
maaddârpuärrsi, miärktõõzz.

II

Viiggât ooudâs plaaneel tuåimid päärna öhttnažvuõđ cõggmõõžž da verddsažkõskkvuõđi ravveem diõtt. Tuärjeet öhttsallâšvuõđ da vuârrvaikktõozz päärna aargâst, ouddpeâmmast da škooulâst, frijjäi'ÿgen da staarjõõttâmtuåimmjummšest.

III

Tobdškuä'đet digitaal'laž pirrõozz miârktõozz päärnai õoldâs- da verddsažkõskkvuõđi diõtt da raaveet media- da vuârrvaikktõs-silttõozzid še liâđglaž saakkummšest.

Päärnai frijjäi'ğğ da staarjöözz

ÂNN'JÖŽSÂÂ'JJ DA OOUMAŽVUÖIGGÂDVUÖTTVUÂÐÐ

Päärnast lij vuõiggâdvuõtt staani frijjäigga, siõ'rre da kirrsâ'ttem åårrmõ'šše. Tät vuõiggâdvuõtt vuäitt teâuddjed määngnalla nu'tt dååma gu še jee'res päärna aarg pirrõõzzin. Frijjäi'jvie'ttjem da staarjööttâmtuåimmjummuž lie vääznai päärna verddsažkôskkvuõdin da čårrõõttmõõžž cõõggõõttmõ'šše. Staarjööttâmtuåimmjummuž mie'lld päärna jie'limest lie še jäänab vuõrâsoummid, šeäk vuäi'tte aiccâd päärna pe'cclid. Staarjöözz vie'kkte päärnaid viikkâd ooudâs sij čeä'ppvuõđees da silttõõzzees jii'jjes ooddi da tuåivvji mie'lld. Liikkösnallšem jie'llemvue'jj da obbvää'lslaž pue'rrjie'llem

oudldõozzid vuei'tet tuärjeed staarjõozzi da frijjää'i'j tuâimmummuž lââ'ssen še ouddpeâmmast, škooulin da mättjemstroi'ttlin vue'ssen šoddeemtuâj. Frijjää'i'j da staarjõõttâmtuâimmummuž õutstõozz vie'kkte še tuärjeed vuässadvuõd õhttsažkåå'ddest.

Staarjõõttâmtuâimmummuž lij Lää'ddjânnmest veä'leč da päärna lie aktiivlaž staarjõõtti. Staarjõozz lei'ḡ täävtõss'sažvuõtt da spraavdõõttâmkõskksažvuõtt vuä'i'tte rââšseed tõt, što staarjõõttmõõž vuâđđan lie päärna da tõk vuä'i'tte raajjâd päärnze teäddõozzid. Tät pue'ttemku'lmm âlgg jeä'rben vä'lددded lokku nuõrrân alttuum ķeâštõõttmõšnallšem šlaajin da staarjõozzin. Mäengg päärnaž looppat staarjõõttmõõž 12-15 âkk-si'žzen. Tän vuei'tci vuäzzai vie'ltted, jös päärnai vuäss-advuõtt teâuddje'če ravvsubun da sij vuä'i'tče pue'rben õõlmtõõttâd taarbeez da tuâivjeez tain ââ'kki'jjin, da jös staarjõozz riâššjin le'čce jäänab teâđ murkkââ'jj rajjum muttsin jeä'rben fyyslaž da tâbddjie'llem šõddmõõž vuu'din. Määng staarjõozz palddlõsvuõtt vuäitt še lee'd õhtt kuânstt vie'ltted staarjõõttmõõžâst čâuddõõttmõš murkkââ'jest da ouudeed päärna jii'jes raavâsvuõdi kaunnmõõžž.

Staarjõõttâmvuei'ttemvuõd vaajtâlle jeä'rbi mie'ldd jälstempää'i'k, piârri väärkõsvuõd da na'zvankruugg mie'ldd, jie'-ga pukin päärnain leäkku vuei'tlvaž staani staarjõõttmõ'šše da frijjää'i'j vie'ttjummša.

Päärnai staarjõõttmõš lij Lää'ddjânnmest juâk-kjõövvâm sosioekonomlaž statuuzz mie'ldd, mâ'st seu'rrje pue'rrjie'llem- da tiõrvâsvuõttjeä'rdõozz

kookkas vuõrâsvuõ'tte. Puk staarjõözz jeä'la kaallâš, leâša piârri vää'nes puåttitää'ss lij läädnai tuõ'ppjed päärna vuei'ttemvuõđid ooddines meâldlaž staarjõözz va'lljummša da verddsažkõskkvuõđi tuõ'll'jummša frijjääl'j tuåimmjummšest. Sosioekonomlaž tuâggaž vaaikat še kulttuur- da čeäppõs-staarjõözzvi vuäžžamvuõ'tte vue'jjest. Seämmast staarjõözzid jáåttmõš sätt lee'd määëngin piârrjin vaiggâd le'be tõn ij vuei't riâššâd ni voops. Škooulpee'i'v õhttvuõđâst le'be škooul ââlda åârrai staarjõözz hiâlpte tän jii'jjes vue'zzstes.

Päärna vuõiggâdvuõtt siõ'rre da frijjäigga lij staanuum ŌM päärnai vuõiggâdvuõđi suåppmõõž 31 artiklast, koon mie'lđ suåppmõšvaldia to'bdde päärna vuõiggâdvuõđ vuâñjõmõ'šše da frijjäigga, suu ââ'jjes meâldlaž siõrrmõ'šše da virksmõõvvâmtuåimmjummša di frijj vuässõõttmõ'šše kulttuurjie'llma da čeä'ppvuõđid.

Päärnast lij
vuõiggâdvuõtt
staani frijjäigga,
siõ'rre da
čirrsâ'ttem
åârrmõ'šše.

STRATEEGLA JURDDI

I

Viiggât ooudâs päärnai frijjääi'j da staarjõõttâmtuåimmjummuž tuåimmjee'ji vaalmâšvuõđid viikkâd čõõđ päärna vuõiggâdvuõđid tuåimmjumm stes da tuärjeet šiõgg vue'jji ooudâsviikkmõõž. Lââ'zztet staarjõõttâmtuåimmjummuž tuåimmjee'ji pedagooglaž silttummuž da teâđ päärnai šõddmõõžâst da ââ'kkpââ'jin di murkkââ'jj tuejjääm muttsin jeä'rben fyyslaž da tåbddjie'llem šõddmõõž vuu'din.

II

Vää'l det frijjää'i j tuåimmjumm'est da staarjöözzin viōusõbân da čõõd tuåimin lokku tõt, što tuåimmjumm'est vuâđđan lie päärna. Huõltet, što staarjös ij leäkku pâi spraavdõskõskksaž le'be piij päärnže leigga šurr õõlgtõözzid, vuârddmõõžid le'be teäddõözzid. Tobdškuä'đet čeäppõözz vuâđđmättjummuž mîärktõözz vue'ssen škooultemriâššmõõž da nââneet tõn nu'tt, što tõt le'čče öinn jäänbõözz päärnže vuei'tlvaž jee'resâ'rnn jânnam. Staaneet päärnai vuei'ttemvuõđid ku'kesäiggsaž staarjööttmõ'šše.

III

Lââ'zztet päärnai pue'rrjie'llem nâânee'l, što juõ'kk
päärnast lij vuei'ttemvuõtt staarjõ'sse, koon årra
suu miõll ūeäss da läädnai da määngpeällsaž frijjää'i'j
tuåimmjummša. Lââ'zztet õõutverddsažvuõđ
tuärjjeei da tää'ssärvvsaž di määuste'mes da
miõllsaž staarjõõttâmvuei'ttemvuõđid škooulpee'i'v
õhttvuõđâst. Tännalla raajât vuei'tlvi'žzen tõt,
što pukin päärnain lij vuei'ttemvuõtt määngaid
staarjõõzzid. Tobdškuä'đet liikkummuš- da
kulttuuršõddmõõžž miârktõõzz da jiõčtäättlažtuâi da
sie'brrkå'ddtuåimmjummuž rool päärnai obbvää'ldlaž
pue'rrjie'llem da ouddnummuž tuärjjummšest.

IV

Viiggât ooudâs tuåimid, koin staaneet päärnai vuäittmõõžž, ri'jttjeei vuâññmõš da frijjää'i'j.

Päärna vuäzzli'žžen õhttsaž- kåå'ddest



Hå't-i vuâlla 18-âkksain
jeä'la ââ'jjes diõtt
tiudd poliittlaž
vuõiggâdvuõđ, sij
lie tää'ssärvvsa da
vääžnai õhttsažkåå'dd
vuäzzla.



Päärnaid till'lõõvvi vaikktõõzzi ärvvtõõllmõš da pä'rnnbudjetâsttmõš

ÂNN'JÕŽSÂÂ'JJ DA OOUMAŽVUÕIGGÂDVUÕTTVUÂÐÐ

Päärnai vuõiggâdvuõđi teâuddjummuš pääcc sätt'tõõggvärrsi'žzen da veeitli'žzen, jös si'jjid till'lõõvvi vaikktõõzzid jeäť ärvvtõõlluku konsiste'ntlânji šiõttõõllmõõžžâst, poliittlaž tu'mmstõktuâjast da resuursi juâkkmõõžžâst. Ânn'jõžsââ'jest vaikktõõzzi ärvvtõõllmõõžž veeidasvuõtt vaajtââll tõn mie'ldd, mä'htt vuõi'ÿgest päärnaid till'lõõvvi tu'mmstõktuâjast le'be tuåimmjummšest lij kõõččmõš. Takainalla pä'rnnvaikktõõzzi ärvvtõõllmõš vuäitt pää'cced vännsen, hâť-i tu'mmstõktuâjast le'be tuåimmjummšest le'čče samai-i miârkkteei vaikktõõzz päärnai statu'sse.

Lää'ddjânnam nâânas kååddlaž jii'jesvaaldšemuõtt miârkkat, što jee'res koo'ddin jälsteei päärnai sââ'jj vuäitt lee'd jee'resnallšem. Määngin koo'ddin leä't välddam âânnmõ'sše pue'rr naa'lid jeä'rben pärnnvaikktõözzi ärvvtõöllmõ'sše di päärnai pue'rrjie'llem ooudâsviik-kmõ'sše tu'mmstõktuâjast. Pue'rr naa'li õ'httnâ'ttma vä'lddkåå'ddlânji taarbšet kuuitâg lââ'zz neävvaid.

Hå't-i ooumažvaikktõözzi ärvvtõöllmõõž leä't viikkâm ooudâs tu'mmstõktuâi da tuåimmjummuš vue'ssen, päärnaid till'löövvi vaikktõözzi ärvvtõöllmõõž jeä't tuejuku systemaattlânji da veiddsânni. Päärnai vue'zz budjetâsttmõõžâst seu'rrjet hää'rveld. Lää'ddjânnmest lij rajjum tuâi päärnai pue'rrjie'llem indikaattori ooudâs-viikkmõ'sše, leâša teâttvuâðast lie vää'n jeä'rben õõut-verddsâžvuõttkiöččâmvue'jjest. Päärnai pue'rrjie'llem kuõskki teâttnoormõõž reäi'j di teâð määngvaaldâsm da ääi'jpoddsaž äukkummuš vää'nnuvuõð rââšsee päärnaid kuõskki tu'mmstõktuâi vaaikteeivuõð da mie'rrmeâldlažvuõð.

ÕM päärnai vuõiggâdvuõði suåppmõõž 3 artikla mie'lđd pukin päärnaid kuõskki ve'rÿgne'kktuåimmjum-mest âlgg vuõss-sââ'jest vä'ldded lokku päärna ouddõs. Päärna lie o'dinakai ooumažjoukk, kåå'tt tät õõlgtõs kuõškk. Pärnnvaikktõözzi ärvvtõöllmõš da pärnnbud-jetâsttmõš lie kõskksaž tuâjjneävv päärnai ouddõõzz vuõss-sâjjsažvuõð ra'vvjummša di Lää'ddjânnam vuâðð-da ooumažvuõiggâdvuõttõõlgtõözzi tiu'ddepiijmõõž seu'rrjem diõtt.

STRATEEGLA JURDDI

IPäärnaid da piârrjid till'lõõvvi vaikktõozzi ärvvtõõllmõš vää'ldet systtemaatnallsem vue'ssen tu'mmstõktuâi da tuâimmjemvue'jj vaaldâšm pukin taa'zzin, da tõid tuärjeet pä'rnnvaikktõozzi ärvvtõõllâm âânnmavälddummšest da čõõđtummšest. Tät lij samai vääžnai koo'ddid. Vaikktõozzärvvtõõllmõõžži siiskâž da miârktõs õhttlõõvât tu'mmstõõggi vuâđđõttmõõžžin. Vaikktõozzi ärvvtõõllmõš vuällââ'ttet še täällarvvlõstu'mmstõõggi valmštõõllmõ'sše da seu'rrjummša.

II

Pä'rnnvaikktõozzi
ärvvtõõllmõõžz da
pä'rnnbudgetâsttmõõžz
kuõskki
mõõntõõllmõõžzid da
silttummšid viiggât
oudâs pâ'jjel halltõspõõ'ji
veiddsânji.

III

Päärnaid kuõskki teâđ noorât
konsiste'nttlânji da teâđ
noormõõžâst åårrai reäi'j oožžât
da čiõutât. Teâđ âânnmõõžz
da analysâsttmõõžz viiggât
oudâs konsiste'nttlânji. Teâđ
äu'kkeet tu'mmstõktuâjast da
tuâimmjummšest.

Päärnai vuõiggâdvuõtt koll'jed da vuäžžad teâð

ÂNN'JÕŽSÂÂ'JJ DA OOUMAŽVUÕIGGÂDVUÕTTVUÂÐÐ

Päärna vuõiggâdvuõtt vuässadvuõ'tte lij vääžnai vuâððda ooumažvuõiggâdvuõtt. Hå't-i vue'lnn 18-âkksain jeä'la ââlkkes diõtt tiudd poliittilaž vuõiggâdvuõð, sij lie tää'ssärvvsa da vääžnai õhttsažkåå'dd vuäzzla. Päärnai vuässadvuõtt da tõn tuärjjei demokratia-da ooumažvuõiggâdvuõttšõddmõš lie vääžnai päärnai ouddnummšest da šõddmõõžžast aktiivlaž meerlažvuõ'tte da tiuddmeärrsaž õhttsažkååddlaž tuåimmjeeivuõ'tte.

Päärnai vuei'ttemvuõð lee'd vuäzzli'žžen, koll'jed, vuäžžad teâð da tuåimmjed aktiivlaž da siltteei õhttsažkåå'dd vuäzzli'žžen âlgg staaneed veiddsânji da

ââ'kktää'ss meâldlânji. Tän poodd päärnai vuässadvuõtt da kuullmõš lie veeitlõs jie-ga tiõuddu pukin päärnaid kuõskki tu'mmstõktuâjast. Probleemmen lij še tõt, što vue'ss päärnain pääcce tääu'je'ld ho'hssjeâkâni da kuulâkâni. Vuässadvuõð väija teâuddjummuš sätt jáâ'ðted närrjeei čorru pääccmõ'sše, mii hie'lkeld rââžžad õhttsažkâåddlaž tu'mmstõktuâi da tuâimmjummuž keâll'jemvuõð.

ÕM päärnai vuõiggâdvuõði suåppmõõžž 12(1) artikla mie'lld suåppmõšvaldia staanee päärnze, kåâ'tt silttâd raajjâd jii'jjes vuäinlmid, vuõiggâdvuõð friijâld čuä'jted täid vuäinlmeez pukin päärna kuõskki aa'ššin. Päärna vuäinlmid âlgg vä'luded lokku päärna ââ'jj da šõddeemtää'zz meâldlânji. Vuâððlää'jj 6.3 §:st peä'lstes mie'rreet, što päärnaid âlgg ci'sttjed tää'ssärvvse'ld persoonin, da see'st fe'rttai vuäžžad vaikkted jiijjâs kuõskki aa'ššid suu šõddmõõžž va'stteeinalla. Päärna vuõiggâdvuõtt koll'jummša da teâð vuäžžmõõ'sše lij staanuum še jee'res ooumažvuõiggâdvuõttsuåp-pmõõžzin, mâ'te ÕM lää'mes oummui vuõiggâdvuõðid kuõskki õõlmâs-suåppmõõžžâst di Euroopp suåvtõõzz minorite'ttraammõõlmâs-suåppmõõžžâst.

STRATEEGLA JURDDI

I

Päärna vuässadvuõtt, vuõiggâdvuõtt koll'jed da teâđ vuäžžmõš vää'l det lokku systemaattlânji päärnaid ju'n-a vuõi'ğgest le'be pannvuõi'ğgest kuõskki tu'mmstõktuâjast da tuâimmjummšest. Päärnai vuäinlmi siiskâž da miârktõs õhttlõõvât tu'mmstõõggi vuâđđõõttmõõžzin.

II

Nââneet, što pukin
päärnaivui'm tuåimmjeei
vuõrâsoummuin lij
ri'jttjeei fi'ttjõs da silttõs
päärnai vuässadvuõð da
tuåimmjeeivuõð tuärjjummšest.

III

Päärna vuässadvuõð, vuõiggâdvuõð
koll'jed da teâttvuäžžmõõžž pue'reet
õu'ddlest rââstvaaldšemvuõðlaž
reâuggmõõžžin da ra'vvjee'l šiõgg
naa'lid vue'zzin rajjõõzzid di päärnai
aarg. Reâuggmõõžžâst vää'l det
lokku jeä'rben tõk päärna, Żeäi
vuäinalm pä'cce tän poodd uu'ccab
vuâmmšummša.

Strategia tiu'dde- pijjmõš

Pä'rnnstrategia
sii'ske
kue'skke puk
õhttsažkåå'ddlaž
jie'llem.



Strategia da tiu'ddepiijjmõšplaan



Strategiaa'je vuâđđöövvi tuâj âlgg kue'dded kookkâs da lee'd veiddsânji vaikkteei. Meerlaž päärnstrategia tiu'ddepiijjmöš öölgat strategia njââđđmööžž ju'n leä'mmen le'ddi tu'mmstöktuâjain da tuâimmjummuž rajjöözzin. Strategia âlgg jäälõõttâd luândlâz vue'ssen ouddâl puki valdia, vu'vddvaaldâšm da koo'ddi tuâimmjummuž. Päärnstrategia siiskâž kuôskte puk öhttsažkåâddlaž jie'llem da tõn tiu'ddepiijjmööžžâst âlgg vä'lđđed lokku veiddsânji öhttsažkåâdd jee'res tuâimmjee'jid.

Meerlaž päärnstrategia lij meinnum stu'vrrjed halltöspööjin raajjâmnalla åârrai tiu'ddepiijjmöšplaan. Tiu'ddepiijjmöšplaan valmštöõlât jee'res vaaldšemvuu'-did kä'tteei ve'rõgtuâjjan da priimât valdiasåâbbar takai-sâbbrest. Tiu'ddepiijjmöšplaanâst öhttlöövât tää'rķben, makkmin tuâimmjummšin strateegla jurddjid ouudeet juõ'kk halltöspââjest. Meerlaž päärnstrategia âlgg tuärjjeed juõ'kk halltöözz tiu'ddepiijjmöšplaan da tõõzz öhtteei parlamentaarlaž öhttsažtuâj da nââneed öhttsažtuâj da silttummuž koordinâsttmööžž ve'rõgnee'kķivui'm da jee'res öhttsažkåâdd vuu'did e'tkkeei ä'sštobbddjivui'm

Päärnstrategia juõ'kk tiu'ddepiijjmöšplaan raajjmöš, čoõđtummuš da seu'rrjummuš âlgg čoõnnâd tää'rķeld va'lljuum indikaattorivui'm, koin seu'rrjet vuõššân strategiast rajjum linnjõõzzi da nuu'bb beä'lnn tõid halltöspööjin tiuddee tuâimmjummši vaikktemvuõđid. Tiu'ddepiijjmööžž ouddnummuž âlgg še seu'rrjed mie'rrkõõskin da juõ'kk halltöspââjj tiu'ddepiijjmööžž vaikktemvuõđâst âlgg tue'jjeed see'lv.

Strategia tiu'ddepiijjmööžž âlgg vuâđđeed ri'jttjeei tiõttu da täävtõsnallšem päärna vuõiggâdvuõđi ooudâsviikkmööšše mottjeei jeällmööžzin. ŌM päärnai vuõiggâdvuõđi komitea lij teä'ddääm konsiste'nttlânji teâttnoormööžž da pä'rnnvaikktõõzzi ärvvtõõllâm di pä'rnnbudgetâsttmööžž miärkkõõzz seämmanna gu päärna vuõiggâdvuõđid kuõskki tuâimmjemprograammi koordinâsttmööžž. Tõk lie täärkes vue'ss pä'rnnstrategia da tõn tiu'ddepiijjmööžž. Seämmast âlgg raajjâd kuâns-tid, koin pä'rnnstrategia vuäitt pukin pue'rmõsân tuärjj-eed Lää'ddjânnam suåppmõšõõlgtõõzzi teâuddjummuž päärna vuõiggâdvuõđi mie'rräiggsažraportâsttmööžžâst

Strategia vaikkteei tiu'ddepiijjmöš õõlgat dovo'lna resuursid da silttummuž. Tiu'ddepiijjmööžž âlgg lee'd rââstvaaldâšmnallšem da tõõzz âlgg vuässâ'tted veiddsânji öhttsažkåå'dd jee'res tuâimmjee'jid, meer-lažöhttsažkåå'dd da jee'res âkksaid da jee'res narod-jouukid koll'jeei päärnaid da vuõrâsoummid.

Vaikkteei tiu'ddepiijjmöš õõlgat põõšsi rajjõõzzid da strategiatuâj õõldâs čõõnnmööžž valdiavaaldšmin, vu'vddvaaldšmin da koo'ddi strateeglaž plaanummšin da tu'mmstõktuâjain. Rajjõõzzi ooudâsviikkmööžžâst âlgg vä'luded lokku jee'res päärnai vuõiggâdvuõđid ouudeei tuâimmjee'ji mâ'te päärnaiä'ssvä'liddnee'kk da ee'ttiikkåå'dd vuõiggâdvuõttä'sšoummu tuâjaid. ŌM päärnai vuõiggâdvuõđi suåppmõöžž õõlgtõõzzi čõõđtummuš taarbaš kõskkum, konsiste'ntt da põõšsi pä'rnnstrategia koordinâsttmööžž da seu'rrjummuž di ri'jttjeei tuâimmjemvä'lldvuõđid.

Publication design:
Anni Tolvanen / Ellun Kanat

Illustrations:
Veera Kesänen / Ellun Kanat

Typefaces:
Noto Sans Regular & Bold

ISBN 978-952-00-9875-9 (pdf)
ISBN 978-952-00-9871-1 (painettu)